

ESTATUTS

Capítol I. Era denominacion, es finalitats e eth domicili

1. Article prumèr

1.1-Damb era denominacion ASSOCIACION ENTARA DIFUSION D'OCCITÀNIA EN CATALONHA (ADOC) se constituís era associacion, que regularà es sues activitats d'acòrd damb era Lei 7/1997, de 18 de junh, d'associacions (DOGC 2423, d'1 de junhsèga), era Lei organica 1/2002, de 22 de març, reguladora deh drèt d'associacion (BOE núm. 73, de 26 de març) e es sòns estatuts.

1.2-Era lengua de trabalh dera associacion qu'ei er occitan.

2. Article dusau

2.1-Era finalitat dera associacion qu'ei era difusion, mès que mès mediatica, dera lengua e era cultura occitanes en Catalonha, en tot extrèir quaussevolh afanh lucretiu.

2.2-En aquest sens, era associaicion qu'amie a tèrme es següents mejans de comunicacion:

2.2-1. Era edicion d'un mejan informatiu numeric

2.2-2. Era realizacion audiovisuau

3. Article tresau

3.1-Era adreça dera associacion s'establís en çò de Ferriòl Masip, que demore en Barcelona, Carrer de la Font Florida, num. 86 1r 1a

3.2-Er encastre d'activitat dera associacion que son es territòris de lengua catalana e es territòris de lengua occitana.

Capítol II. Es membres dera associacion, es sòns drèts e es sues obligacions

4. Article quatau

4.1-Pòden èster sòcis dera associacion totes es persones fisiques en plies facultats. Que cau que presenten ua sollicitud escrita ath Conselh Directiu que prenerà ua decision ena prumèra reunion que hèsquen e que l'ac comunicarà entara Amassada Generau mès immediata.

4.2-Es sòcis menors n'an pas drèt a vòte enes amassades ne tanpòc pòden escuelher ne èster escuelhudi mèmbres deth Conselh Directiu. Totun qu'an drèt ara paraula que serà auuda en compde pera Amassada Generau.

5. *Article cincau*

5.1-Son drèts des associadi:

- a) Prèner part damb vòte e drèt a eleccion ena Amassada Generau.
- b) Escuélher o èster escuelhudi entàs lòcs de representacion o entà exercir cargues directius.
- c) Exercir era representacion balhada en tot cas.
- d) Intervier en govèrn e enes gestions, en servicis e activitats dera associacion, d'acòrd damb es nòrmes legaus e estatutàries.
- e) Expausar ara Amassada Generau e ath Conselh Directiu tot çò que considèren que pogue contribuir a hèr mès arrica era vida dera associacion e mès eficaça era realizacion des sòns objectius sociaus e basics.
- f) Sollicitar e obtier explicacions sus era administracion e era gestion deth Conselh Directiu o des que govèrnen era associacion.
- g) Èster escotadi abantes dera adopcion de mesures disciplinàries.
- h) Arrecéber informacion sus es activitats dera associacion
- i) Utilizar es servicis comuns qu'era associacion establisque o age en disposicion.
- j) Participar enes grops de trabalh.
- k) Auèr un exemplar des estatuts.
- l) Consultar es libres dera associacion.

6. *Article siesau*

6.1-Son déuers des associadi:

- a) Engatjar-se damb es prètzhèts dera associacion e participà-i actiuament.
- b) Contribuir en sosteniment dera associacion damb eth pagament des cotizacions determinades en estatuts o determinades en Amassada Generau.
- c) Complir totes es resolucions estatutàries
- d) Acceptar e complir es acòrds validament adoptadi pes organismes de govèrn dera associacion.

7. *Article setau*

7.1-Son rasons entà quitar era associacion:

- a) Qu'atau ac decidisque era persona interessada que comunicarà era sua decision ar escrit ath Conselh Directiu.
- b) Non pagar es cotizacions fixades
- c) Non acomplir es obligacions estatutàries

Capítol III. Era Amassada Generau

8. *Article uèitau*

8.1-Era Amassada Generau qu'ei eth principau organisme de govèrn dera associacion; toti es sòcis ne hèn part per drèt pròpi e irrenunciable.

8.2-Es associadi, amassadi ena Amassada Generau legaument constituïda, decidissen per majoritat es ahèrs que son competència dera Amassada.

Toti es associadi acceptaran es acòrds dera Amassada Generau, inclodidi es absent, es que non i sien d'acòrd e es que' s'agen abstengut de votar.

9. *Article nauau*

Era Amassada Generau a es següentes facultats:

- a) Modificar es estatuts
- b) Causir e desseparar es associadi der organisme de govèrn e contra-rotlà-ne era activitat.
- c) Aprovar eth budgèt anuau e era liquidacion des compdes anuaus, e tanben adoptar es acòrds entara fixacion e eth montant dera cotizacion entath sostien dera associaion e aprovar era gestion hèta per organisme de govèrn.
- d) Acordar era des·hèta dera associacion.
- e) Incorporar-se a d'autres associacions o separar-se'n
- f) Sollicitar era declaracion d'utilitat publica
- g) Aprovar era normatiua de regim interior.

- h) Acordar era baisha o era separacin definitiua, damb un expedient prèvi, des associadi e es associades
- i) Conéisher es sollicituds presentades entà èster associat o associada, e tanben es incorporacions e es baishes per ua rason diferenta ara de separacion definitiua.
- j) Decidir sus tota qüestion que non sigue directament atribuïda a cap arren aute organisme dera associacion. Era relacion des facultats que se hè en aguèst article a qu'un caractèr enunciatiu e non limite pas es atribucions dera Amassada Generau.

10. Article detzau

- 10.1- Era Amassada Generau s'amasse en session ordinària aumens un còp per an.
- 10.2- Eth Conselh Directiu pòt convocar era Amassada Generau de faïçon extraordinària quan considèrè qu'ac cau, e cau qu'ac hèsque quan atau ac sollicite un nombre d'associadi superior ath 10%; en aquest cas era Amassada se celebrarà laguens deth termini de 30 dies a compdar dempús deth dia dera sollicitud

11. Article onzau

- 11.1- Era Amassada ei convocada per organisme de govèrn a partir d'ua convocatòria a on i constarà, aumens, er orde deth dia, eth lòc e era data dera amassada.
- 11.2- Era convocatòria cau que sigue comunicada quinze dies abantes dera data dera amassada, individuaument e per mejan d'un escrit adreçat ath domicili on i cònste era lista actualisada d'associadi e associades qu'aurà era associacion.
- 11.3- Es amassades dera Amassada Generau son presidides per president dera associacion. Si non i é, serà substituït peth secretari o eth membre deth Conselh directiu mès gran d'aquest conselh.
- 11.4- Eth secretari redacte eth compde rendut de tota amassada; signarà eth medish e eth president, damb un extracte des deliberacions, eth text des acòrds adoptadi, er arresultat numeric des votacions e era lista des persones assistentes.-

En tot començar tota amassada dera Amassada generau, se lieg eth compde rendut dera session anterior entà aprovà-la o esmenà-la. De tota faïçon, aqueth compde rendut e tota auta documentacion a d'èster en disposicion des associadi en locau social.

12. Article dotzau

- 12.1- Era Amassada Generau se constituís validament independentment deth nombre de persones associades presentes o representades.
- 12.2- Eth 10% des associadi pòt sollicitar ath Conselh Directiu era inclusion en ordre deth dia d'un o mès ahèrs a tractar e, s'era Amassada ja ei convocada, tostemp qu'ac hèsquen

lagueus eth prumèr terç deth periòde comprés énter era recepcion dera convocatòria e era data dera amassada. Era sollicitud tanben pòt hè-se directament ena amassada, era quau decidís s'ac considere convenient, mès sonque pòt adoptar acòrds respecte as punts non inclodidi en orde deth dia comunicat ena convocatòria, s' atau ac decidís ua majoritat de tres quataues parts des persones presentes.

13. Article tretzau

- 13.1- Enes Amassades Generaus, correspon ua votz a cada associat.
- 13.2- Es acòrds se prenen per majoritat simpla de votz des associadi presenti o i representadi.
- 13.3- Entà acordar tèmes coma era separacion des associadi, era modificacion des estatuts, era dissolucion dera associacion, era constitucion d'ua federacion damb d'autes associacions era integracion lagueus d'ua ja existenta, que cau ua quatitat de votz equivalenta a dus tèrci dera assitència. Et tot cas, era eleccion deth Conselh Directiu, se s'i presenten diuèrses candidatures, que se hè per acòrd dera majoritat relatiua des associadi presenti o i representadi.
- 13.4- Es candidatures que s'i presenten formaument an drèt a ua còpia dera lista des associadi e des sues adreces certificada peth secretari e damb era aprobacion deth president.

Capítol IV. Eth Conselh Directiu

14. Article catorzau

- 14.1- Regís, administre e represente era associacion eth Conselh Directiu, compausat peth 'president, eth secretari, eth tresaurièr e es vocaus. Aguèsti cargues an d'èster exercidi per persones diferentes.
- 14.2- Era eleccion des mèmbres deth Conselh Directiu, es quaus an d'èster associadi, se hè per votacion ena Amassada Generau. Es persones elegides entren en foncions un còp acceptat eth cargue.
- 14.3- Eth nomenament e eth cessament des cargues an d'èster certificadi peth secretari gessent, damb era aprobacion deth president gessent, e qu'ac cau comunicar ath Registre d'Associacions
- 14.4- Es membres deth Conselh Directiu non pòden pas realizar cap arren activitat retribuïda pera associacion.

15. Article quinzau

- 15.1- Es membres deth Conselh Directiu exercissen eth cargue pendent un periòde de ans, en tot poguer èster reelegidi.
- 15.2- Eth cessament de càrrecs, abantes d'extingí-se eth termini reglamentari deth sòn mandat pòt acceptar-se pes rasons següentes:

- a) dimission voluntària presentada per escrit ont se n'i exposen es rasons.
- b) malautia que l'incapacite entà exercir eth càrrec.
- c) baisha coma associat.
- d) sancion per ua falta cometuda en exercici deth càrrec, impausada d'acòrd damb çò que s'establís en article 13.3 des estatuts.

15.3- Es vacants produsides en Conselh Directiu an de curbir-se ena prumèra Amassada Generau qu'age lòc. Pendent aguèst temps, un mèmbe dera Associacion que pòt ocupar provisionaument eth cargue vacant.

16. Article setzau

16.1- Eth Conselh Directiu a es facultats següentes:

- a) Representar, miar e administrar era associacion dera faïçon mès àmplia que reconegue era Lei: dera madeisha forma a de complir es decisions dera Amassada Generau, d'acòrd damb es normes, instruccions e directritz qu' era Amassada establisque.
- b) Préner es acòrds necessaris en relacion damb era compareishença dauant es organismes publics e entà exercir es accions legaus que cau e interposar es recorsi pertinenti.
- c) Proposar ara Amassada Generau era defensa des interessi dera associacion.
- d) Proposar ara Amassada Generau era defensa der establiment des cotizacions que cau satis.hèr.
- e) Convocar es amassades generaus e contra-rotlar que s'i complisquen es acòrds adoptadi.
- f) Presentar eth balanç e er estat de compdes de cada exercici ena Amassada Generau entà qu' aquera los apròve e bastir eth budgèt der exercici següent.
- g) Contractar es emplegadi qu' era associacion posque auèr.
- h) Inspeccionar era comptabilitat e preocupà-se'n entà qu'es servicis fongonen damb normalitat.
- i) Establir grops de trabalh entà aconseguir dera manèra mès eficienta e eficaça es finalitats dera associacion, e autorizar es actes qu'aguèsti grops realizen.
- j) Nomentar es vocaus deth Conselh Directiu que s'agen d'encuedar de cada grop de trabalh, a propòsta des madeishi grops.
- k) Hèr es gestions necessàries dauant es organismes publics, entitats e d'outes persones entà aconseguir:

- a) Subvencions o d'altres ajudes
 - b) Er usatge de locals o bastiments que poguen arribar a èster un lòc de convivència e comunicacion e tanben un centre d'arrecuperacion ciutadana.
- l) Daurir comdes o libretes d'estauvis en bèth establiment de credit o estauvi e dispausar des hons que i age en aguèst dipòsit. Era disposicion des hons se determine en article 29.
 - m) Sollucionar provisionaument tot caish que non i sigue previst enes estatuts e dar-ne compde ena prumèra Amassada Generau.
 - n) Tota auta facultat que non sigue atribusida d'ua manèra especifica en cap d'aute organisme dera associacion o que li age estat delegada expressament.

17. Article dètz-e-setau

17.1- Eth Conselh Directiu, convocat prèviament peth president o eth sòn substitut, s'a d'amassar en session ordinària damb era periodicitat qu'es sòns membres decidisquen, e qu' en cap des cassi pòt èster inferior a 3 mesi.

17.2- Cau que s'amasse en session extraordinària quan atau sie convocat peth president, o ben s'ac sollicite bèth un des membres qu'ac compausen.

18. Article dètz-e-ueitau

18.1- Eth Conselh Directiu quède constituit validament s'a estat convocat damb antelacion e i a un quorum dera meitat mès un.

18.2- Es mèmbers deth Conselh Directiu son obligadi a assistir a totes es reunions que se convòquen, maugrat que s'i pòden excusar per rasons justificades. Era preséncia deth president o deth secretari o des persones que los substituísquen, ei tostemps necessària.

18.3- Eth Conselh Directiu prèn es acòrds per majoritat simpla des vòts des assistents.

19. Article dètz-e-nauau

19.1- Eth Conselh directiu pòt delegar bèra ua des sues facultats e ua o diuèrses comissions o grops de trabalh se compde, entà hè'c, damb es vòts favorables des dus tèrci des sòns membres.

19.2- Tanben pòr nomenar, damb eth madeish quorum, un o beri uns mandataris tà exercir era foncion que se les i confie damb es facultats que creigue oportun conferí-los en cada caish.

20. Article vintau

Es acòrds deth Conselh Directiu cau que còsten en libre d'actes e cau que sien signadi peth secretari e peth president. En tot iniciar-se cada reunion deth Conselh Directiu, cau liéger eth compde rendut dera session precedentia entà que s'apròve o se rectifique, se cau.

Capítol V. Eth president e eth vicepresident

Son pròpies deth president es funcions següentes:

- a) Dirigir e representar legaument era associacion, per delegacion dera Amassada Generau e deth Conselh Directiu.
- b) .Presidir e dirigir es debats, tant dera Amassada Generau coma deth Conselh Directiu.
- c) Eméter ua votacion decisòria en caish d'empat.
- d) Convocar es reunions dera Amassada Generau e deth Conselh Directiu.
- e) Revisar es actes e es certificats confeccionadi peth secretari dera associacion.
- f) Es autes atribucions pròpies deth càrque e aqueres pes quaus age estat delegat per part dera Amassada Generau o deth Conselh Directiu.

21. Article vint-e-unen

Eth president serà substituït, en cas d'absència o malautia, per vicepresident o eth vocau de mès atge deth Conselh Directiu, per aquest ordre.

Capítol VI. Eth tresaurièr e eth secretari

22. Article vint-e-dusau

Eth tresaurièr a coma foncion era custòdia e eth contra-ròtle des recorsi dera associacion, atau coma era elaboracion deth bodgèt, eth balanç e era liquidacion des compdes- Que pòrte un libre de caisha, que signe es arrecebuts des cotizacions e d'auta documentacion dera tresaureria. Que pague es factures aprovades peth Conselh Directiu, es quaus an d'èster visades prèviament per president, e qu'ingresse çò qui sòbre en establiments de credit o estauvi.

23. Article vint-e-tresau

Eth secretari a de custodiar era documentacion dera associacion, lheuar, redactar e signar es actes des reünions dera Amassada Generau e eth Conselh Directiu, redactar e autorizar es certificats que cau liurar, e tanben portar eth libre de registre des associadi.

Capítol VII. Es comissions o grops de treball

24. Article vint-e-quatau

Era creacion e constitucion de tota comission o grop de treball, a d'èster plantejada pes associadi que' volguen formà-les. Qu'ac an de hèr saber ath Conselh Directiu e explicar es activitats que s'i hèn.

Eth Conselh Directiu a de preocupar-se d'analisar es diferents comissions o grups de trabalh, des quaus es encargadi an de presentà-i un còp per mes un rapòrt detalhat des sues actuacions.

Capítol VIII. Eth regim economic

25. Article vint-e-cincau

Aguesta associacion non a cap de patrimòni fondacionau.

26. Article vint-e-sisau

Es recorsi economics dera associacion se neurissen de:

- a) es cotizacions fixades pes associadi ena Amassada Generau
- b) es subvencions oficiaus o particulars
- c) es donacions, es eritatges o es legadi.
- d) es rendes deth pròpi patrimòni, o ben d'auti ingressi que poguen obtier-se.

27. Article vint-e-setau

Toti es associadi an era obligacion de sostier era associacion economicament, per miei de quòtes o derrames, dera manèra e tamb era proporcion qu'ac determine era Amassada Generau, a propòsta deth Conselh Directiu.

Era Amassada Generau que pòt establir cotizacions d'ingrés, cotizacions periodiques mensuaus -que s'abonaran per mesi, trimesadèrs o semestres, segontes çò que dispausa eth Conselh Directiu- e cotizacions extraordinàries.

28. Article vint-e-ueitau

Er exercici economic coincidís tamb er an naturau e demore barrat eth 31 de deseme.

29. Article vint-e-nauau

Enes compdes corrents o libretes d'estauvi dubèrtes en establiments de credit o d'estauvi, cau que i figuren es signatures deth president, eth tresaurèr e eth secretari.

Entà podèr dispausar des hons, que n'i a pro tamb dues signatures, des quaus ua a d'èster era deth tresaurèr o ben era deth president.

Capítol IX. Eth regim disciplinari

30. Article trenta

Er organisme de govèrn que pòt sancionar es infraccions comeses pes associadi qu'incomplisquen es sues obligacions.

Aguèstes infraccions que pòden qualificar-se de leugères, greus e molt greus, e es sancions corresponentes pòden anar des d'ua amonestacion enquiara expulsion dera associacion, segontes ac establisque eth reglament intèrn.

Eth procediment sancionador s'incie d'ofici o ben coma consequéncia d'ua denúncia o comunicacion. En termini de 10 dies, eth Conselh Directiu nomena un instructor que' tramite er expedient sancionador e propòse era resolució en un termini de 15 dies, tamb audiéncia deth presumpte infractor. Era resolució finau, qu'a d'èster motiuada e aprovada pes dus tèrci des membres deth Conselh Directiu, l'adòpte aguèst organisme de govèrn e tanben laguens d'un periòde de 15 dies.

Contra es sancions per fautes greus acordades peth Conselh Directiu, es personas interessades i pòden recórrer, s' eth reglament intèrn establís eth procediment entà hè'c, dauant era purmèra Amassada Generau qu'age lòc.

Capítol X. Era dissolució

31. Article trenta-unen

Era associacion que pòt èster dissòlta s' ac acòrde era Amassada Generau, convocada tamb caracter extraordinari expressament entad aquerò.

32. Article trenta-dusau

- 32.1- Un còp acordada era dissolució, era Amassada Generau a de préner es mesures oportunes tant per çò que tanh ara destinacion deth patrimòni coma ara finalitat e era liquidacion de tota operacion pendenta.
- 32.2- Era Amassada Generau qu'ei facultada entà escuélher ua comission liquidadora tostemp qu'ac age de besonh.
- 32.3- Es associadi demoren exempti de responsabilitat personau. Era sua responsabilitat qu'ei limitada a acomplir es obligacions entàs que' s'i agen comprometus voluntàriament.
- 32.4- Eth romanent net que resulte dera liquidacion passarà entara associacion sense tòca lucratiua que decidisque era amassada.

Es funcions de liquidacion e d'execució des acòrds as que hèn referéncia es apartats anteriors d'aguèst madeish article, son competéncia deth Conselh Directiu s' era Amassada Generau non conferís aguèsta missió a ua comission liquidadora especiaument designada

En Barcelona, 17 de seteme de 2013